



Анализ Изучения Состояния Организации Здорового И Доброкачественного Питания В Детских Дошкольных Учреждениях

Л. К. Абдукадирова¹

Ф. У. Юлдашева²

М. Р. Мирсагатова³

М. А. Ахунова⁴

^{1,2,3,4} Мактабгача таълим муассасаси
тарбияланувчиларининг соғлом ва хавфсиз
овқатланишини ташкил этиши холатини ўрганиши
тахлили

Аннотация: Олиб борилган тадқиқот ишида мактабгача таълим муассасаси тарбияланувчиларининг соғлом ва хавфсиз овқатланишини ташкил этишнинг асосий вазифаси, ошхоналарда сифатли таомлар тайёрлаш хамда таомларни истеъмол қилиш учун гигиеник талабларга мувофиқ шароитлар яратилганлик холатлари ўрганилиб баҳоланди.

Калит сўзлар: рационал овқатланиш, сифатли таом, гигиеник талаблар, озуқ маҳсулотлари.

Муаммонинг долзарблиги. Мактабгача бўлган ёшдаги болаларни организмида тез ўсиш, аъзо ва тизимларни шаклланиши давом этади, алмашув жараёнлари юқори тезликда кечади. Марказий асаб тизими тезкор суръатда ривожланади. Мактабгача даврни охирида бола барча асосий ҳаракатларни эгаллайди ва нутқи яхши ривожланган бўлади. Уларга, айниқса, юқори ҳаракат фаоллиги хос ва бу катта энергия сарфланишини талаб этади. Бола организмини бундай ривожланиши хужайралар тузилиши учун керак бўлган моддалар, биринчи навбатда оқсиллар, витаминалар ва минералларни кўп талаб этади [4,5]. Шунинг учун мактабгача болаларни овқатлантириш эрта ёшдаги кичкинтойларни овқатлантиришдан миқдори ва сифати билан фарқланади. Бу ёшда болалар тўрт маротаба овқатлантириладилар - куннинг биринчи ярмида улар, ошқозон - ичак тизимида узоқ вақт ушланиб қоладиган оқсилли, иккинчи ярмида эса – углеводли, ўсимликлар ва сутли масаллиқлардан тайёрланган озиқ – овқатлар истеъмол қилишлари керак. Бунда овқат миқдори қўйидагича тақсимланади: нонушта -30%, тушлик 40-45%, тушдан кейинги овқат -10%, кечки овқат 15-20%. Боғча ёки бошқа болалар муассасасига қатнаб, ўша жойда 4 маҳал овқатланадиган болаларни уйда овқат ейишга мажбур қиласлик керак. Агар боғча ёки болалар муассасасида 2 ёки 3 маҳал овқат бериладиган бўлса, уйда болани қўшимча овқатлантириш зарур. Сўнгги овқат уйқудан 1,5-2 соат илгари берилиши керак[1,2].

Ўсиб келаётган бола организмига тўлақонли оқсил зарур (гўшт, балиқ, сутли маҳсулотлар, тухум) ва у рационнинг умумий қувватини 15 % ташкил қилиши керак. Ёғлар мактаб ёшигача бўлган болалар рациони умумий қувватининг 30 – 35 % ташкил қилиши лозим. Улар ферментлар, гормонлар, хужайралар таркибига кириб минерал тузлар, витаминалар сўрилишига таъсир қўрсатади. Организм эҳтиёжлари биринчи навбатда сариёф ва ўсимлик мойи, қаймок, сутлар билан қондирилади. Углеводлар бола организмида асосан қувват манбаи вазифасини

ўтайди. Уларга бўлган эҳтиёж ўз таркибида полисахаридлар, толалар, минерал моддалар, витаминаларни тутган сабзавот ва мевалар ҳисобига қондирилади. Витамин ва минерал моддалар бола организмини тўғри ва муқобил ривожланишини таъминлаб беради. Оқсил, ёғ ва углеводларни нисбати 1:1:4 ташкил қилиши керак. Мактабгача ёшда бўлган болаларда ошқозонда овқатни ҳазм бўлиши тахминан 3 - 3,5 соат давом этади. Бу даврни охирида ошқозон бўшайди ва болада иштаха пайдо бўлади. Овқат бериш оралиқларида уларга бошқа маҳсулотлар, айниқса, ширинликлар бериш тавсия этилмайди[3].

Мактабгача таълим муассасаси тарбияланувчиларининг соғлом ва хавфсиз овқатланишини ташкил этишнинг асосий вазифаси тарбияланувчиларининг соғлом ва баркамол ўсишини таъминлаш, ошхоналарда сифатли таомлар тайёрлаш, таомларни истеъмол қилиш учун гигиеник талабларга мувофиқ шароитлар яратиш ҳисобланади[6]. Биламизки, болалар айниқса 3 дан 7 ёшгача бўлган гўдаклар учун овқатда алмаштириб бўлмайдиган аминокислоталарга бой оқсиллар бўлиши мухим. Сут, творог, тухум, гўшт сингари масаллиқлар шундай оқсилларга бой. Ёғларга бўлган эҳтиёж асосан ўсимлик (кунгабоқар, маккажӯхори, пахта) мойлари ҳисобига қондирилиши керак, чунки уларда организмга яхшироқ сингадиган ярим тўйинмаган ёғ кислоталари қўп. Ўсимлик мойларини сабзавот пюреси ва салатларга қўшиб бериш фойдали[7].

Болалар ва ўсмирлар овқати сарфланган энергияни қоплаш учун физиологик эҳтиёжни қондириши лозим. Энергия сарфи болаларнинг 1,5-3 ёшида 1500 ккални, 3-5 ёшида 1800 ккални, 5-8 ёшида 2000-2400 ккални, 8-12 ёшида 2400-2800 ккални, 13-16 ёшида 3000гача ккални ташкил этади.

Болалар ва ўсмирлар овқатида оқсиллар, ёғлар ва углеводларнинг энг яхши нисбати 1:1:4 дир. Шу нисбатнинг ҳийла бузилиши, гарчи овқат билан бирга организмга тушадиган озиқ моддалар ва витаминалар миқдори етарли бўлганда ҳам, саломатликка салбий таъсир қиласи. Айниқса ҳайвон ёғларини меъёридан ортиқча истеъмол қилиш боланинг семириб кетишига ва ўсиб ривожланишини кечикиришга олиб келади. Углеводлар керагидан ортиқча қабул қилинганда, организмда сув ушланиб қолиб, бола рангпар, бўшанг, тез-тез касалга чалинадиган ва касалликлар аксари асорат билан кечадиган бўлиб қолади[8].

Болалар овқати ҳилма-ҳил бўлиши зарур. Бир хилдаги овқат иштаҳани бўғади. Болалар овқатига ишлатиладиган масаллиқлар янги ва юқори сифатли бўлиши керак. Болаларга хом, яхши пиширилмаган ёки дудланган гўштни бериш тавсия этилмайди, чунки бола захарланиб қолиши ёки гижжа юқиши мумкин, ҳамда бундай гўшт яхши сингмайди. Шўр ёки ўткир дориворланган гўшт ва балиқ таомларини ҳам бермаслик керак.

Қалампир, сирка сепилган, ҳантал (горчица) қўшилган овқатларни 8-10 ёшгача бўлган болалар емаслиги керак. Алкаголли ичимликларнинг ҳамма турлари (пиво, уйда тайёрланган мусаллас ва бошқалар) бола ва ўсмир организмига жуда заарли. Кўп миқдорда аччиқ чой, кофе, какао, шоколад айниқса, 3 ёшгача бўлган болаларга қўзғатувчи таъсир кўрсатади. Шунинг учун бундай маҳсулотларни чеклаш лозим. [9].

Ишимизнинг мақсади ва вазифалари: Тошкент шаҳридаги танлаб олинган мактабгача таълим муассасаси тарбияланувчилариниг соғлом ва хавфсиз овқатланишини ташкил этиш холатини ўрганиб тахлил қилиш мақсадида назорат остига олинган мактабгача таълим муассасаси овқатланиш блоклари ўрганилиб баҳолаш; соғлом ва хавфсиз овқатланишини ташкил этишда тарбияланувчиларнинг физиологик ёшига мувофиқ равишда таомнома асосида амалга оширилиш холати тахлили; гурухларга бериладиган озиқ-овқат санитария меъёrlарини бажарилиши холатини ўрганиб баҳолаш.

Олинган натижалар. Биз назоратга олган МТМ ларидаги овқатланиш блоки – бинонинг биринчи қаватида жойлашган бўлиб, ходимлар хонаси, маҳсулотларни сақлаш омборхонаси, овқат тайёрлаш блокидан иборат. Ошхонада алоҳида мева ва сабзовотларни ювиш хоналари ажартилмаган. Ходимлар учун душ ўрнатилмаган. Ошхонада тортувчи вентиляцион тизим олиб

ташланган, тўлиқ гигиеник талабларга жавоб бермайди. Ошхона марказий тармоққа уланган иссиқ ва совуқ сув билан таъминланган. Маҳсулотларга ишлов бериш тартиби гигиеник талабларга жавоб беради. Ошхонада музлатгич мавжуд бўлиб, унда маҳсулотларни сақлаш тартиби гигиеник талабларга жавоб бермайди. Ошхонада кунлик синмалар олинган ва улар музлаткичда сақланмайди. Музлаткичнинг ҳарорати кўрсаткичи ишламайди. Кортоска касаллиги олдини олиш учун 1% сирка кислотаси мавжуд. Ходимлар тибий кўриқдан ўтган. Санитар минимумини топширган дафтарчаси мавжуд.

Тадқиқотлар натижаси шуни кўрсатдики, танлаб олинган мактабгача таълим муассасаларида болалар 4 маҳалли овқатланиш тартибига эга бўлиб, уларнинг овқатланиш тартиби эрталабки нонушта, тушлик ва иккинчи тушлик ва кечки овқатланиш жорий этилган.

МТМ ошхоналарда соғлом ва хавфсиз овқатланишни ташкил этиш тарбияланувчиларнинг физиологик ёшига мувофиқ равишда таомнома асосида амалга оширилади. Бунда: Ўзбекистон Республикаси Халқ таълими вазирлиги томонидан берилган намунавий таомномалар асосида тарбияланувчилар учун ўн кунлик тахминий таомномалар олдиндан тузилади. Таомнома жорий кундаги тарбияланувчилар сонидан келиб чиқиб, кейинги иш куни учун соат 16.00 га қадар ҳамшира томонидан мактабгача таълим муассасаси ошпази ва омбор мудири ёки омборчи иштирокида тузилади. Таомнома асосида кейинги кун учун озиқ-овқат маҳсулотлари омбор мудири ёки омборчи томонидан ҳамшира ёки навбатчи тарбиячи иштирокида иш куни тамом бўлгунига қадар ошхонага берилади ва таомнома бир кун олдинги тарбияланувчилар сонига мутаносиб равишда ҳар бир тарбияланувчи учун бир кунлик ўртacha сарфланадиган озиқ-овқат маҳсулотлари микдори ва уларнинг қиймати чиқарилган ҳолда, икки нусхада тузилганлиги маълум бўлди.

Овқатланиш тартиби умумий тузилган таомномалар асосида тайёрланиши аниқланди. Таомнома санитария қоидалари, нормалари ва гигиена нормативлари асосида тўғри тузилганлиги ҳамшира ва мактабгача таълим муассасаси раҳбари томонидан имзо билан тасдиқланган. Таомнома озиқ-овқат маҳсулотлари турларини кетма-кетликда ёзиш орқали шакллантирилган, бунда озиқ-овқат маҳсулотлари турлари нон билан бошланиб, туз билан тугатилган. Таомноманинг битта нусхаси ҳамширага, иккинчи нусхаси ошхонага фойдаланиш учун берилган. Кунлик тайёрланадиган таом турлари ва бир тарбияланувчи учун таом микдори маҳсус овқат тарқатиш жойига ёзиб қўйилган. Тарбияланувчилар учун таомлар овқатланиш технологияси қоидаларига амал қилган ҳолда тайёрланавши, сақланиши ва тарқатилиши маълум бўлди.

Текширилаётган мактабгача таълим муассасасида озиқ-овқат маҳсулотлари ва таомлар сифатини ўрганиш бўйича бракераж комиссияси ташкил этилганлиги маълум бўлди. Мактабгача таълим муассасаси ҳамшираси бракераж комиссиясининг раиси бўлиб, унинг таркиби тарбиячи, ошпаз, муассаса касаба уюшмаси қўмитаси раиси ва тарбияланувчиларнинг ота-оналари вакиллари аъзо сифатида киритилган, бракераж комиссияси ошхонага қабул қилинадиган озиқ-овқат маҳсулотлари ва тайёрланавётган таомлар сифатини доимий равишда ўрганиб борилган. Ўрганиш натижалари эса алоҳида юритиладиган бракераж дафтарида қайд этилиши маълум бўлди. Бракераж дафтари тикилган, номерланган, муассаса раҳбари томонидан имзоланган ва муҳрланган холатда.

Мактабгача таълим муассасасида тарбияланувчиларнинг хавфсиз овқатланишини таъминлаш мақсадида сифати тез бузилувчи озиқ-овқат маҳсулотларини қайд этиш дафтари хам юритилиши маълум бўлди. Сифати тез бузилувчи озиқ-овқат маҳсулотларини қайд этиш дафтарида маҳсулотларнинг ишлаб чиқарилган вақти, муассасага қабул қилинган вақти ва охириги ишлатиш муддати ҳакидаги маълумотлар хам қайд этиб борилган.

Ошхонада тайёр бўлган таом тарбияланувчиларга тарқатилишидан 15 - 20 дақиқа олдин мактабгача таълим муассасаси ҳамшираси томонидан кунлик синама олиниши маълум бўлди. Қабул қилинган озиқ-овқат маҳсулотлари санитария қоидалари, нормалари ва гигиена

нормативларига мувофиқ ҳолда сақланади ва сарфланади. Омборхонада сақланаётган озиқ-овқат маҳсулотларини қайд этиш дафтари рақамланган, ип ўтказиб тикилған ва мактабгача таълим муассасаси мудири томонидан имзоланиб, мухрланган ҳолда.

Олинган маълумотлар шуни кўрсатдики, озуқа маҳсулотларининг хилма хиллиги ва таркиби СанПиН 0097-2000 “Среднесуточные рациональные нормы потребления нормы употребления пищевых продуктов в организованных детских и подростковых учреждениях Республики Узбекистан” талабларига мос келмайди.

Гурӯҳларга бериладиган озиқ-овқат санитария меъёрларини бажарилиши тўғрисидаги 9 ойлик маълумот (2022 йил-январ-сентябр)

Махсулот номи	3 ёшдан 7 ёшгacha	Талаб бўйича маҳсулот миқдори		Жами амалда истеъмол қилинган маҳсулот		Фарқи (+, -)	
		Шайхон тоҳур туман	Олмазор туман	Шайхон тоҳур туман	Олмазор туман	Шайхон тоҳур туман	Олмазор туман
Нон	110	8590	5700	8589	5700	-1	0
Ун	25	1148	970	1131	957	-17	-17
Ёрмалар	45	2060	1940	1583	1570	-478	-370
Шакар	40	1989	1650	2018	2000	+29	+50
кондитер	10	459	270	3639	200	-95	-70
Сарёғ	20	918	720	894	700	-21	-20
ўсимлик ёғи	8	307	204	269	200	-38	-4
Сут	300	14776	12657	14654	12450	-122	-207
Творог	30	307	200	207	98	-100	-102
Кефир	200	2296	1970	1287	1002	-1009	-968
пишлок	8	436	240	200	150	-236	-90
Гўшт	100	4592	2890	4564	2796	-28	-94
Балиқ	25	1148	950	95	53	-1053	-897
Тухум	0,5	11480	9540	7964	6070	-3516	-3470
картошка	150	6880	2540	5339	1450	-1541	-1090
сабзавот	200	7184	5407	5667	4350	-1517	-1057
куруқ мева	15	688	450	122	200	-566	-250
Чой	0,3	137	90	8	5	-129	-85
Туз	3	137	87	214	110	+78	+23
какао	2	91	50	14	15	-79	-35
дрожи	1	45,9	23	20	5	-26	-18
шарбат, мева	150	6880	4570	1405	2300	-5483	-2270

Жадвалдан кўриниб турибдики, тадқиқот ишлари олиб борилган МТМ ларида айрим озиқ-овқат маҳсулотлари талаб бўйича маҳсулот миқдорига мос келмайди. Масалан, сут ва сут маҳсулотлари: творог-1,4-2,04 баробар, кефир-1,7-1,9 баробар, пишлок-2,18-1,6 баробар; тухум ва сабзавот маҳсулотлари 1,4-1,5 баробарга керакли миқдордан кам эканлиги аниқланган бўлса, айрим маҳсулот турлари эса талаб этилган миқдордан хаттоқи 17 баробаргача: балиқ 12,4-17,1, қуруқ мевалар 5,6-2,25, шарбат-мевалар -4,9-2,0 баробар кам эканлиги текширишлардар маълум бўлди. Аксинча айрим озуқа маҳсулотлари (шакар, туз)миқдори эса талаб этилган миқдордан 1,2-1,5 баробар кўпроқ берилётгани маълум бўлди.

Хулоса. Олинган маълумотларга асосланиб, тадқиқот остига олинган МТМларда озуқа маҳсулотларининг хилма хиллиги ва таркиби “Ўзбекистон Республикаси болалар ва ўсмирлар муассасаларида талаб этиладиган озиқ-овқат маҳсулотларига бўлган ўртacha суткалик рационал меъёри” талабларига мос келмайди.

Фойдаланилган адабиётлар

1. Абдукадирова Л.К., Шарипова С.А.. “А» тоифасига мансуб шахсларнинг овқатланиш тарзини ўрганиш ва таҳлил қилиш» <https://moluch.ru/archive/408/89984/> Международный научный журнал «Молодой ученый» №13 (408)-2022 Стр343-345 (Россия)
2. Абдукадирова Л.К. “Она ва бола саломатлиги-миллат соғлиги” Тиббий таълимда инновацияларни қўллаш ва интеграл маъruzаларни такомиллаштириш-2016 С96-97
3. Абдукадирова Л.К.. Соғлом турмуш тарзининг гигиеник асослари // Фан ва техника тараққиётида хотин-қизларнинг ўрни. Республика илмий-амалий анжумани маъruzалар тўплами-2017.
4. Akhmadalieva, N. O., Salomova, F. I., Sadullaeva, K. A., Abdukadirova, L. K., Toshmatova, G. A., & Otajonov, I. O. (2021). Health State Of Teaching Staff Of Different Universities In The Republic Of Uzbekistan. NVEO-NATURAL VOLATILES & ESSENTIAL OILS Journal| NVEO, 15954-15967.
5. Каримов Ш.И. таҳрири остида “Соғлом овқатланиш –саломатлик мезони”. Тошкент-2015 375б
6. Саломова, Феруза, Дурдона Хакимова, and Наргиза Ярмухамедова. "ХАРАКТЕРИСТИКА ОБРАЗА ЖИЗНИ И ФУНКЦИОНАЛЬНОГО СОСТОЯНИЯ СЕРДЕЧНО-СОСУДИСТОЙ СИСТЕМЫ ПОДРОСТКОВ." InterConf (2021): 853-865.
7. Шайхова Г.И. // Болалар ва ўсмирларнинг рационал овқатланиши. Илмий оммабоп рисола. – Тошкент, 2007. - 24 с
8. Шайхова Г.И. (таҳрири остида) // Овқатланиш гигиенаси. Т. 2011й.. 435б
9. Ermatov, N., Guli, S., Feruza, S., Feruza, A., & Bakhtiyor, R. (2019). The effectiveness of red palm oil in patients with gastrointestinal diseases.